



Թ Ե Մ Ա Կ Ա Ն Կ Յ Ա Ն Ք

ՆԻՑՑԱՅԻ ՀԱՅՈՒԹՅԱՆ ԵԿԵՂԵՑԱԿԱՆ ՄՇԱԿՈՒԹԱՅԻՆ ԿՅԱՆՔԸ

Ուրախությամբ պետք է նշել, որ վերջին տարիներին զգալի աջխուժություն է ապրում ֆրանսահայ եկեղեցական-մշակութային կյանքը: Հայ եկեղեցու և մշակութային կենտրոնների համագործակցությունը դրականորեն է ապրում հայության ազգային գիտակցության վրա և օժանդակում հայապահպանման կարևոր գործին:

Այդպիսի մի համագործակցության վառ արտահայտությունն է Նիցցայի մշակութային տարեկան ծրագիրը, որ իրագործվում է Հայ Մշակութային ակումբի կողմից: Հայոց

պատմություն և կրոն, հայկական ճարտարապետություն, երաժշտություն, գրականություն և կինո,—ահա ձեռնարկների այն ծիրը, որ Նիցցայի հայությունը առաջադրել է իրականացնել 1986 թվականին: Ի թիվս այլոց, նախատեսված է նաև, որ հոգեշնորհ Տարոն վարդապետ ձերեճյանը պիտի ղեկուցի «Հայերի հին հավատալիքներն ու ավանդությունները» նյութի մասին: Դասախոսությունները տեղի պիտի ունենան քաղաքի հայկական եկեղեցում:

ԱՐՍԵՆ ԵՊԻՍԿՈՊՈՍ ԲԵՐԲԵՐՅԱՆԸ ԾՎԵԴԻԱՅՈՒՄ

1985 թվականի սեպտեմբերին Նորին Սուրբ Օծություն Ս. Տ. Վապգեն Ա Ամենայն Հայոց կաթողիկոսի բարձր կարգադրությամբ Ստոկհոլմ գործուղվեց Մայր Աթոռիս միաբան Արսեն եպս. Բերբերյանը:

Ծվեդիայի հայկական գաղութը բազմամարդ չէ, բայց զանազան քաղաքներում սփռված հայությունը կարիք ունի հոգևոր կազմակերպման՝ հայությունը Մայր եկեղեցու և Մայր Հայրենիքի շուրջ համախմբելու համար:

Ուստի Արսեն սրբազանը առաջին իսկ օրերից կազմակերպչական աշխատանք ըսկըսեց՝ ի մի բերելու հայության ջանքերը և նպատակամղելու հայապահպանման վսեմ գործին: Նախ պետք էր կազմակերպել եկեղեցական կյանքը, որովհետև այնտեղ չկա

հայկական եկեղեցի. արարողությունները կատարվում են քույր եկեղեցիների կողմից ժամանակավորապես տրամադրված եկեղեցիներում: Տքնաջան աշխատանք անհրաժեշտ պիտի լինի այս նորակազմ համայնքին ազգային-եկեղեցական դեմք տալու համար, ստեղծելու համար առաջնորդարան, կրոնական, մշակութային, նույնիսկ մարզական համախումբ կյանք:

Ուրախությամբ պետք է նշել, որ Արսեն սրբազանը արդեն որոշ կազմակերպչական աշխատանքներ է տարել՝ ապահովելու համար գաղութի հայության համագործակցությունը, Ծվեդիայի Ազատ եկեղեցիների խորհրդի գործակցությունը, հայ գաղութի կյանքը նպատակամղելու ազգային-եկեղեցական-մշակութային գործունեության, ստեղ-

ծելու եկեղեցական և մշակութային կենտրոններ, կապմակերպելու հայկական դպրոցներ:

Հրապարակված է նաև հետագա գործունեության մի ծրագիր-առաջադրանք, որտեղ ընդգրկված է ծխական խորհուրդների վերընտրություն, ծխական նոր կանոնագրու-

թյան մշակում, վանազան՝ եկեղեցաւեր տիկնանց, երիտասարդաց, կրթական և ապագային-կրոնական դաստիարակության և մարզական հանձնախմբերի ստեղծումը, ունենալ թեմական կանոնագրություն և խորհուրդ, ապահովել թեմի տարեկան ծախսերը:

ԽԱՂԱՂՈՒԹՅԱՆ ՔՐԻՍՏՈՆԵԱԿԱՆ ԿՈՆՖԵՐԱՆՍԻ ԳՈՐԾԱՂԻՐ ԿՈՄԻՏԵԻ ԽՈՐՀՐԴԱԿՑՈՒԹՅՈՒՆԸ

Բուլղար Օրթոդոքս Եկեղեցու Սուրբ Սիմոնի հրավերով սույն թվականի մարտի 3—7 օրերին Բուլղարիայում տեղի ունեցավ Խաղաղության Քրիստոնեական Կոնֆերանսի Գործադիր կոմիտեի խորհրդակցությունը, որին մասնակցեցին աշխարհի 36 երկրների 110 հայտնի եկեղեցական և խաղաղության պաշտպանության գործիչներ:

Խորհրդակցությանը, հանուն Հայաստանյայց Առաքելական Եկեղեցու, իրենց մասնակցությունը բերեցին Բուլղարահայ թեմական խորհրդի ատենապետ պրն. Կարո Տեր-Մեսրոպյանը և քարտուղար Ս. Մեսրոպ ավագ քահանա Պենյանը:

Խորհրդակցության ընթացքում քննարկվեցին ներկա աշխարհը հույող մի շարք խնդիրներ: Այնուհետև ընդունվեց կոչ-բանաձև՝ ուղղված աշխարհի բոլոր Եկեղեցիներին, որտեղ հորդորվում է մշտաբան մնալ և սատարել համաշխարհային խաղաղության գործին:

Սույն կոչ-բանաձևում բարձր գնահատական է տրվել Սովետական Միության՝ խաղաղության ու փնաթափման դատին ի նըպաստ առաջարկին, որը հրապարակվել է

ընթացիկ տարվա հունվարի 15-ին: Կոչ-բանաձևում, որպես եպրակացություն, ընդգրծված է Եկեղեցիների բարոյական առաջնահերթ պարտականությունը՝ գործակցել նըման խաղաղասիրական ձեռնարկումներին և քրիստոնեական համայնքները մղել Եկումենիկ խաղաղարարական աշխատանքների:

Խորհրդակցության մասնակիցներից կապմըված մի պատվիրակություն, գլխավորությամբ Խաղաղության Քրիստոնեական Կոնֆերանսի նախագահ Նորին Սրբալնություն Կարոյի Տոթի, ընդունվեց Բուլղարիայի Ժողովրդական Հանրապետության Պետական Խորհրդի նախագահի տեղակալ Միտկո Գրիգորովի կողմից:

Պատվիրակության մեջ էին մտնում Խաղաղության Քրիստոնեական Կոնֆերանսի գլխավոր քարտուղար դոկտ. Լյուբոմիր Միրեժովսկին, Կիևի և Գալիցիայի միտրոպոլիտ Ֆիլարետը և Հնդկաստանի, Չեխոսլովակիայի, Ռումինիայի, Մեծ Բրիտանիայի, Ամերիկայի Միացյալ Նահանգների, Քենիայի, Պուերտո Ռիկոյի և Բուլղարիայի բարձրատիճան հոգևորականներ:

